

Պատակերաց կամ Գարկոփի վանքի հետ, վոր գտնվում է Վայոց ձորում, վոչ հեռու ներկա Սաչիկ, և հին Արաստամուխ գյուղից, սկզբում Սյունյաց իշխանների, իսկ ԺԳ. դարում Որբելյանների սեպհականությունը. ըստ պատմիչ Որբելյանի այդտեղ եր գրված «ասարկու և աստուածահրաշ ս. Նշանն, որ խոտակերաց կոչի»։ Բայց լինչպե՞ս և յ՞նք եր անցել սրբությունը Պոռչյանների ձեռքը, չգիտենք. պահարանի հետևում, եաչիի արձանագրության համեմատ, նա Պոռչյանների հայրենական ժառանգություն էր, «որով և



պատկեր 83.
Նախ Պոռչյանի աղբյուր.

նախնիքն իմ զօրացան», հավանորեն Վասակ Սաղ-րակյանի ժամանակ ձեռք բերված. արդյո՞ք Որբելյաններից խլած խաչերից մեկը (և՛ 78), ասել չենք կարող։ Այդ խաչը պահվում էր, հավանորեն, Ոժոփի վանքում. Վարդանի Աշխարհացույցի մեջ Այրից վանքի կամ Պոռչյանների մյուս սրբությունների հետ՝ «ս. գեղարքն աստուածամուխ, ներկեալ արեամբ կենարարին և տախտակն ս. տապանին», չե հիշված Պոտակերաց ս. Նշանը*։ Բայց նույնանուն մի խաչ գտնվում էր Ոժոփի վանքում, վորի մասին յիշատակություն ունինք արդեն քանիցս հիշված նույն վանքի Շմավոն գրչի 1292 թվին գրած հիշատակարանի մեջ. «գրեցաւ տառս աստուածային ի պաւսոխ Շահապունեայ, ի միաստանիս որ ե մերձ յամենաւրհնեալ և յաստուածապահ գեաւդս Ոժոփի կոչիցեալ, ընդ հովանեաւ սոսկալի և սխրադորձ նշանացս, Պոտակերաց և Խիկարաց»**, Այս խաչը պիտի լինի Եաչիի ձեռքով նորոգված և գեղարվեստական պահարանի մեջ գրված։ Պոտակերաց Ս. Նշանի մասին ապա հիշատակություն ունինք նույն վանքում ԺԷ. դարու առաջին քառորդին, միայն այդ խաչը տարբեր և մեր պահարանի խաչից. բայց այդ մասին հետո, պատմության մեջ։

Պահարանը քառանկյունի յե կամ «աղիւսաձև», ինչպես անվանում է Որբելյանը նման պահարանները, արծաթից և վոսկեջրած, 42×26 սմ. մեծությամբ։ Հետևի յերեսում արձանագրությունն է, գեղեցիկ, յեղնդավոր գրերով (պատկ. 79), վորից տեղեկանում ենք, թե Է՛յաչի որդի Հասանա որդո Պոռչա որդո մեծին Վասակ յազգէ Հաղբականց՝ կազմել և տվել այս պահարանը վորպես անջինջ հիշատակ և խնդրում է հիշել յուր ծնողներին՝ Ամիր - Հասանին և Թաճերին և յուր հորեղբորը Պապաքին յուր նախնայաց և ազգատոհմի հետ։ Իսկ առաջին յերեսի յերկտող արձանագրությունից իմանում ենք, վոր պահարանը շինված է

Ձեթ—1300 թվին, վորի առիթն էլ բացատրեցինք վերև։

Առաջին յերեսին (պատկ. 81), ճակատի կեղբոնում, չորեքկերպյան աթոռի վերա բազմած և Հիսուս, աջից մարդ և արծիվ, իսկ ձախից առյուծ և յեղ. յերեսում են միայն չորեքկերպյանների գլուխները բուրակ նիւթուսներով։ Չորեքկերպյանների այն դասավորությունը, վոր ունինք այստեղ, համապատասխան է Հովհաննու Հայտնության Դ. գլ. տեսլյան. բայց հայ արվեստի մեջ ավելի ընդհանրացած էր մի ուրիշ դասավորություն, համապատասխան Յեզեկիելի Ա. գլխի տեսլյան։ Յիշենք Նորավանքի (Ամաղու) բուրթեղաչին Աստվածածնի ափսիղի նույն մոտիվը, վոր ժամանակակից և մեր պահարանին, դասավորված է Յեզեկիելի համեմատ, յերկու կողմից կանգնած հրեշտակներով. ձեռքերը մեկնած դեպի Ամենակալը։ Մեր քանդակի մեջ մի տարբերություն ևս կա, վոր չորեքկերպյաններից ել հրեշտակը իսկական մարդ է, մորուքով և վոչ կուսական կերպարանքով, այսինքն բառացի հետևողություն և բնագրին։ Հիսուսի նիւթուսը բոլորակ է, գոգավոր և խաչազարդ. նա նայում է դիտողին en face, ունի բոլորակ և թավ մորուք, դեմքի արևելյան արտահայտությամբ, աջով խաչակնքում և հունարեն հայկական ձևով, իսկ ձախով բռնել է ծնկան վերա հենած ավետարան, «ես եմ լոյս աշխարհի» բառերի խորաքանդակով։ Հիսուսի գլխի յերկու կողմից յենդավոր գրերով գրված է «Յա Բա»։ Հագել և մինչև վոտները հասնող յերկար պարեզոտ, բազուկների մոտ սեղմված թևերով, վոր արևելյան է, և վերայից ձգել սիրուն ծալքերով վերնազգեստ։ Այս ամբողջ անունված և դարձնեղավոր, կրկնաշերտ և անկյուններում սրածայր՝ շրջանակի մեջ։ Յերկու կողմից, պահարանների վերին անկյուններում, թևավոր և ամբողջ հասակով մի մի հրեշտակ թեքված են դեպի Ամենակալը (παρυχωρο). յերկու ձեռքով խաչազուլիս յերկար գավազան բռնած։ Հրեշտակների ֆիգուրները քիչ յերկար են, անհամաչափ ամբողջության, մի յերեսից, վոր հետին բյուզանդականության ազդեցությունն է ցույց տալիս, բայց վոչ չափազանցությամբ։ Հրեշտակների լուսո պսակը յեղբերված է պարանոցիս զարդով. յերկար և վորտուր խոպովիքները իջնում են ուսերի վրա, իսկ ականջների մոտ ծածանվում են լսողության գույգ ժապավենները. նրանց լուսո պսակի մակերևույթը ծածկված է արմավենիկի զարդով։ Յերեք քառորդական յերեսով դարձած են դեպի դիտողը։ Նրանք հագել են մինչև վոտները հասնող ներքնազգեստ, քղանցքները, բազալանները և փողպատը զարդարուն։ Ներքնազգեստի վերայից ունին ավելի կարճ, կողքերից աստիճանաբար իջնող կտրվածքներով և ծալքերով վերնազգեստ. վոտքերին նուրբ կոշիկներ, առանց կրունկների։ Ամբողջ խմբանկարը թողնում է գեղարվեստական, հաճելի տպավորություն։

Առաջին յերեսի միջին տեսարանը արտաքուստ, դռների և նրանց կողքերին յեղած պատկերներն են,

* Հ. Թովմյան, Ցուց, Ձեռ. Սաչիկ վ-ի. Ա. 77։

** Արարատ, 1876. 413.